

PRAVILNIK O STICANJU I OVJERI ZVANJA ZA OBAVLJANJE STRUČNIH POSLOVA U OBUCI SKIJANJA

Član 1.

Ovim pravilnikom propisuju se uslovi za sticanje i produžavanje licenci učitelja skijanja kao i druga pitanja.

Član 2.

Pravo na dobijanje licenci imaju svi redovni članovi ATUS-a BiH u smislu člana 10., 11., i 12. Statuta ATUS BiH, ako ispunjavaju uslove propisane ovim Pravilnikom.

Bez licence ni jedan učitelj skijanja ne smije obavljati stručne poslove iz oblasti obuke skijanja, kako u BiH tako i u inostranstvu (u skladu sa važećim Zakonom o sportu).

LICENCE

Član 3.

Ovim Pravilnikom utvrđuju se sljedeći nivoi licenciranih stručnjaka za obavljanje stručnih poslova u obuci skijanja:

- 1. Učitelj skijanja I stepena**
- 2. Učitelj skijanja II stepena** (Učitelj skijanja sa pravom na međunarodnu licencu IVSI - (Internationaler Verband der Ski Instruktoeren)
- 3. Učitelj skijanja III stepena** (Učitelj skijanja sa pravom sticanja međunarodne licence ISIA – (International Ski Instructors Association)
- 4. Učitelj - trener skijanja IV stepena** (Učitelj skijanja sa pravom sticanja međunarodne licence ISIA - (International Ski Instructors Association)
- 5. Državni Demonstrator**

UČITELJ SKIJANJA I STEPENA

Član 4.

Učitelj skijanja stiče pravo na licencu za nivo Učitelj I stepena ako ispunjava sljedeće uslove:

1. da je redovni član ATUS-a BiH u smislu člana 10., 11. i 12. Statuta ATUS-a BiH;
2. da je položio ispit za sticanje zvanja pred Ocjenjivačkom i Ispitnom komisijom ATUS-a BiH.

Ispit za sticanje zvanja može se položiti samo na državnom seminaru ATUS-a BiH isključivo pred Ocjenjivačkom i Ispitnom komisijom ATUS-a BiH.

Član 5.

Učitelj skijanja I stepena može samostalno da vodi obuku skijanja.

Član 6.

Svake druge godine počevši od godine sticanja zvanja Učitelj ima obavezu da izvrši ovjeru zvanja u skladu sa članom 7., dok je svake četvrte godine od sticanja zvanja dužan da ovjeri pred Ocjenjivačkom komisijom ATUS-a BiH ukoliko ne pohađa seminar za više zvanje. Učešće na seminaru za više zvanje oslobađa obaveze ovjeravanja zvanja pred Ocjenjivačkom komisijom ATUS-a BiH.

Član 7.

Za ovjeru zvanja učitelj treba da:

- redovni član ATUS-a BiH;
- aktivno i u cjelini prisustvuje Seminaru za ovjeru zvanja ATUS-a BiH.

Član 8.

Pravo na licencu Učitelj skijanja I stepena gubi se u sljedećim slučajevima:

- Ukoliko Nadzorni odbor ustanovi razloge za takvu odluku;
- Ako na vrijeme ne obavi ovjeru zvanja;
- Ako kao organizator seminara ili rukovodilac ski-škole angažuje za rad instruktora bez licence;

Odluku o oduzimanju ili privremenom uskraćivanju prava na licencu Učitelja I stepena donosi Izvršni odbor ATUS-a BiH.

Na odluku izvršnog odbora ATUS-a BiH može se uputiti žalba Konferenciji ATUS-a BiH.

U slučaju da Učitelj I stepena nije izmirio finansijske obaveze po pitanju licenci za jednu ili više godina unazad prilikom prvog narednog podizanja licence dužan je da izmiri neizmirene obaveze, a najviše za 3 (tri) godine unazad.

Član 9.

Izvršni odbor ATUS-a BiH na molbu Učitelja skijanja može produžiti trajanje prava na licencu licencu Učitelja I stepena u izuzetnim slučajevima kao što su: bolest, trudnoća, služenje vojnog roka i slično, uvidom u vjerodostojne dokumente.

Produžavanje prava na licencu licencu Učitelja I stepena Izvršni odbor ATUS-a BiH može odobriti i u slučajevima koji nisu ovdje nabrojani, ali uz valjano obrazloženje.

Izvršni odbor ATUS-a BiH može produžiti pravo na licencu licencu Učitelja I stepena najviše na godinu dana zbog posebnih razloga.

O gore navedenoj odluci Izvršni odbor ATUS-a BiH izdaje pisano rješenje. Navedena odluka ne oslobađa Učitelja skijanja I stepena materijalnih obaveza u vezi predmetne licence.

**UČITELJ SKIJANJA II STEPENA
sa pravom na međunarodnu licencu IVSI
(Internationaler Verband der Ski Instruktoren)**

Član 10.

Učitelj skijanja stiče licencu za nivo Učitelj skijanja II stepena sa pravom na međunarodnu licencu IVSI ako ispunjava sljedeće uslove:

1. da je redovni član ATUS-a BiH u smislu člana 10., 11. i 12. Statuta ATUS-a BiH;
2. da je nosilac zvanja Učitelj skijanja I stepena ne manje od 2 (dvije) godine;
3. da je u periodu od sticanja predhodnog zvanja obavio profesionalnu praksu u trajanju od najmanje 90 časova što dokazuje odgovarajućim potvrdama izdatim od strane ovlaštenih osoba ispred ski-škola ili ski-klubova.

Član 11.

Učitelj skijanja II stepena sa pravom na međunarodnu licencu IVSI može samostalno da vodi obuku skijanja.

Član 12.

Licenca Učitelj skijanja II stepena sa pravom na međunarodnu licencu IVSI važi 2 (dvije) godine od sticanja.

Svake druge godine počevši od godine sticanja zvanja Učitelj skijanja II stepena ima obavezu da izvrši ovjeru zvanja u skladu sa članom 13., dok je svake četvrte godine od sticanja zvanja dužan da ovjeri pred Ocjenjivačkom komisijom ATUS-a BiH ukoliko ne pohađa seminar za više zvanje. Učešće na seminaru za više zvanje oslobađa obaveze ovjeravanja zvanja pred Ocjenjivačkom komisijom ATUS-a BiH.

Član 13.

Za ovjeru zvanja učitelj treba da:

- je redovni član ATUS-a BiH;
- aktivno i u cjelini prisustvuje Seminaru za ovjeru zvanja ATUS-a BiH.

Član 14.

Pravo na licencu Učitelj skijanja II stepena sa pravom na međunarodnu licencu IVSI gubi se u sljedećim slučajevima:

- Ukoliko Nadzorni odbor ustanovi razloge za takvu odluku;
- Zloupotrebom prava koja proizilaze iz međunarodne licence IVSI;
- Ako na vrijeme ne obavi ovjeru zvanja;
- Ako kao organizator seminara ili rukovodilac ski-škole angažuje za rad instruktora bez licence;

Odluku o oduzimanju ili privremenom uskraćivanju prava na licencu Učitelj skijanja II stepena sa pravom na međunarodnu licencu IVSI donosi Izvršni odbor ATUS-a BiH.

Na odluku izvršnog odbora ATUS-a BiH može se uputiti žalba Konferenciji ATUS-a BiH.

U slučaju da Učitelj nije izmirio finansijske obaveze po pitanju licenci za jednu ili više godina unazad prilikom prvog narednog podizanja licence dužan je da izmiri neizmirene obaveze, a najviše za 3 (tri) godine unazad.

Član 15.

Izvršni odbor ATUS-a BiH na molbu Učitelja skijanja može produžiti trajanje prava na licencu Učitelj skijanja II stepena sa pravom na međunarodnu licencu IVSI u izuzetnim slučajevima kao što su: bolest, trudnoća, služenje vojnog roka i slično, uvidom u vjerodostojne dokumente.

Produžavanje prava na licencu Učitelj skijanja II stepena sa pravom na međunarodnu licencu IVSI Izvršni odbor ATUS-a BiH može odobriti i u slučajevima koji nisu ovdje nabrojani, ali uz valjano obrazloženje.

Izvršni odbor ATUS-a BiH može produžiti pravo na licencu Učitelj skijanja II stepena sa pravom na međunarodnu licencu IVSI najviše na godinu dana zbog posebnih razloga.

O gore navedenoj odluci Izvršni odbor ATUS-a BiH izdaje pisano rješenje. Navedena odluka ne oslobađa Učitelja skijanja materijalnih obaveza u vezi predmetne licence.

UČITELJ SKIJANJA III STEPENA

Član 16.

Pravo na sticanje licence Učitelj skijanja III stepena ima svaki učitelj skijanja koji ispunjava sljedeće uslove:

1. da je redovni član ATUS-a BiH u smislu člana 10., 11. i 12. Statuta ATUS-a BiH;
2. da ima najmanje dvije godine zvanje Učitelj skijanja II stepena;
3. da je u periodu od sticanja predhodnog zvanja obavio profesionalnu praksu u trajanju od najmanje 90 časova što dokazuje odgovarajućim potvrdama izdatim od strane ovlaštenih osoba ispred ski-škola ili ski-klubova.
4. da je položio ispit za sticanje zvanja pred Ocjenjivačkom i Ispitnom komisijom ATUS-a BiH, u okviru kojeg je i ispit znanja jednog svjetskog jezika (engleskog, italijanskog, njemačkog ili francuskog) s osvrtom na skijašku terminologiju;

Član 17.

Pravo na licencu Učitelj skijanja III stepena važi 2 (dvije) godine od sticanja. Učitelj III stepena ima pravo da polaže za zvanje međunarodnog učitelja ISIA. Svake druge godine počevši od godine sticanja zvanja Učitelj skijanja III stepena ima obavezu da izvrši ovjeru zvanja u skladu sa članom 18., dok je svake četvrte godine od sticanja zvanja dužan da ovjeri pred Ocjenjivačkom komisijom ATUS-a BiH ukoliko ne želi da pohađa seminar za više zvanje. Učešće na seminaru za više zvanje oslobađa obaveze ovjeravanja zvanja pred Ocjenjivačkom komisijom ATUS-a BiH.

Član 18.

Za ovjeru licenci Učitelj skijanja III stepena treba da:

- je redovni član ATUS-a BiH;
- aktivno i u cjelini prisustvuje Seminaru za ovjeru licenci ATUS-a BiH.

Član 19.

Pravo na licencu Učitelja skijanja III stepena i/ili međunarodnu licencu ISIA gubi se u sljedećim slučajevima:

- Ukoliko Nadzorni odbor ustanovi razloge za takvu odluku;
- Zloupotrebom prava koja prizilaze iz međunarodne licence ISIA;
- Ako na vrijeme ne obavi ovjeru zvanja;
- Ako kao organizator seminara ili rukovodilac ski-škole angažuje za rad instruktora bez licence;

Odluku o oduzimanju ili privremenom uskraćivanju prava na licencu Učitelja skijanja III stepena i/ili međunarodnu licencu ISIA donosi Izvršni odbor ATUS-a BiH.

Na odluku izvršnog odbora ATUS-a BiH može se uputiti žalba Konferenciji ATUS-a BiH.

U slučaju da Učitelj skijanja III stepena nije izmirio finansijske obaveze po pitanju licenci za jednu ili više godina unazad prilikom prvog narednog podizanja licence dužan je da izmiri neizmirene obaveze, a najviše za 3 (tri) godine unazad.

Član 20.

Izvršni odbor ATUS-a BiH na molbu Učitelja skijanja III stepena može produžiti trajanje prava na međunarodnu licencu u izuzetnim slučajevima kao što su: bolest, trudnoća, služenje vojnog roka i slično, uvidom u vjerodostojne dokumente.

Produžavanje prava na licencu Učitelja skijanja III stepena i/ili međunarodnu licencu ISIA Izvršni odbor ATUS-a BiH može odobriti i u slučajevima koji nisu ovdje nabrojani, ali uz valjano obrazloženje.

Izvršni odbor ATUS-a BiH može produžiti pravo na licencu Učitelja skijanja III stepena i/ili međunarodnu licencu ISIA najviše na godinu dana zbog posebnih razloga.

O gore navedenoj odluci Izvršni odbor ATUS-a BiH izdaje pisano rješenje. Navedena odluka ne oslobađa Učitelja skijanja materijalnih obaveza u vezi predmetne licence.

DRŽAVNI DEMONSTRATOR

Član 21.

Uslovi za dobijanje zvanja državnog demonstratora određeni su Pravilnikom o Državnim demonstratorima ATUS-a BiH.

POSEBNE ODREDBE

Član 22.

Za vrijeme rada na terenu članovi ATUS-a BiH, Učitelji skijanja i Državni demonstratori moraju se pridržavati pravila ponašanja (Kodeksa) ATUS-a BiH i međunarodnih organizacija kojih je ATUS BiH član.

Član 23.

Za vrijeme rada na terenu članovi ATUS-a BiH, Učitelji skijanja i Državni demonstratori dužni su nositi jedno od javnih obilježja ATUS-a BiH i imati službenu ispravu ATUS-a BiH kako bi se mogli u svakoj prilici predstaviti.

Član 24.

Učitelji skijanja muškog pola nakon 55, a Učiteljii skijanja ženskog pola nakon 50 godina života i najmanje tri potvrđene međunarodne licence IVSI ili ISIA dobijaju trajnu međunarodnu licencu IVSI ili ISIA bez obaveznog prisustva na seminaru.

Član 25.

ATUS BiH je dužan najmanje jednom u dvije godine da organizuje Državni seminar te ispite znanja skijanja za dobijanje zvanja iz ovog Pravilnika, a na osnovu Pravilnika o seminarima ATUS-a BiH.

Član 26.

Evidenciju i poslove oko licenci vodi sekretar ATUS-a BiH.

Član 27.

Za tumačenje ovog Pravilnika nadležan je Izvršni odbor ATUS-a BiH.

Član 28.

Ovaj Pravilnik stupa na snagu nakon što ga usvoji Konferencija ATUS-a BiH.

Usvojeno na sjednici Konferencije ATUS-a BiH 17. decembra 2006. godine.